

STARFSREGLUR

um kirkjuráð nr. 817/2000,

sbr. starfsrgl. nr. 786/2002, nr. 1005/2005, nr. 1030/2007, nr. 954/2010,
nr. 1036/2012, nr. 306/2016, nr. 1293/2016, nr. 1051/2018,
nr. 473/2019, nr. 1011/2019 og nr. 402/2021.

1. gr.

■ Kirkjuráð starfar á grundvelli laga nr. 78/1997 um stöðu, stjórn og starfshætti þjóðkirkjunnar.

2. gr.

■ Kirkjuráð er, auk biskups Íslands, sem er forseti ráðsins, skipað fjórum mönnum, tveimur guðfræðingum og tveimur leikmönnum, sem kirkjuþing kýs.

3. gr.

■ Kirkjuráð fer með framkvæmdavald í málefnum þjóðkirkjunnar eftir markaðri stefnu laga og samþykktu kirkjuþings. Ráðið fer með framkvæmd þeirra sameiginlegu verkefna þjóðkirkjunnar sem lög og stjórnvaldsreglur ætla því og erinda sem vísað er til þess, m.a. af hálfu kirkjuþings, prestastefnu, samtökum leikmanna, Alþingis og ráðherra.

□[Forseti kirkjuráðs ber ábyrgð á undirbúningi og skipulagningu funda kirkjuráðs, þ.m.t. gerð dagskrár í samráði við framkvæmdastjóra. Framkvæmdastjóri kirkjuráðs fer með fyrirsvar ráðsins milli funda í samráði við forseta ráðsins. Kirkjuráðsmenn geta starfað að málefnum kirkjuráðs milli funda ef þeim hefur verið falið það af ráðinu eða um nefndarstörf sé að ræða á vegum ráðsins, sem viðkomandi hefur verið skipaður til. Ráðningarsamningar vegna starfsmanna kirkjuráðs, þ.m.t. launasetningar, breytingar á þeim og slit þeirra skulu ræddir og ákvarðanir um þá teknar á kirkjuráðsfundi. Veita má einstökum kirkjuráðsmönnum eða öðrum umboð til að fylgja eftir ákvörðunum kirkjuráðs hvað þetta varðar sem og varðandi önnur mál.]¹⁾

□[Kirkjuráð getur haft aðsetur á biskupsstofu.]²⁾ Kirkjuráð ræður framkvæmdastjóra og setur honum erindisbréf sem skal kynnt á kirkjuþingi. Framkvæmdastjóri framfylgir ákvörðunum ráðsins og hefur umsjón og eftirlit með störfum og verkefnum á vegum þess skv. nánari fyrirmælum ráðsins.

1) Starfsrgl. 1293/2016, 1. gr.

2) Starfsrgl. 1293/2016, 2. gr.

4. gr.

- Kirkjuráð undirbýr kirkjuþing í samráði við forseta kirkjuþings.

5. gr.

■ Kirkjuráð skal gera grein fyrir helstu ákvörðunum sínum og starfsemi frá síðasta kirkjuþingi hverju sinni, sbr. [starfsreglur um þingsköp kirkjuþings nr. 949/2009, með síðari breytingum.] ¹⁾ Með skýrslu kirkjuráðs skulu fylgja skýrslur kirkjulegra stofnana og stjórna sem heyra undir ráðið eða kirkjuþing óskar eftir. Einnig skal leggja fram heildaryfirlit yfir fjármál þjóðkirkjunnar og fjárhagsstöðu sjóða og verkefna. Skylt er að leggja fram í þingnefndum hverjar þær upplýsingar sem óskað er eftir á þingfundi eða í nefndum, nema lög mæli á annan veg.

□ Fjárhagsáætlun fyrir næsta almanaksár ásamt endurskoðuðum reikningum liðins árs skal leggja fram til umræðu og [samþykktar.] ²⁾

□ [...] ³⁾

1) Starfsrgl. 1051/2018, 6. gr.

2) Starfsrgl. 402/2021, 14. gr. a.

3) Starfsrgl. 402/2021, 14. gr. b. Málsgreininni var áður breytt með starfsrgl. 1293/2016, 3. gr.

6. gr.

■ Kirkjuráð framfylgir, í samráði við forseta kirkjuþings, stefnumörkun þingsins og samþykktum þess, svo og ákvæðum starfsreglna þess.

□ [Kirkjuráð skal sjá um að fjárstjórn sjóða og stofnana er undir ráðið heyra sé jafnan í réttu og góðu horfi og að nægilegt eftirlit sé haft með bókhaldi og meðferð fjármuna þeirra. Kirkjuráð getur ráðið sér starfsfólk til að sinna því eftirlitshlutverki sem því er ætlað að hafa.

□ Kirkjuráð skal leggja fyrir þingið til kynningar endurskoðaða ársreikninga sjóða og stofnana sem undir ráðið heyra fyrir síðasta fjárhagsár.

□ [...] ¹⁾

□ Kirkjuráð getur ákveðið að semja við embætti biskups Íslands eða aðrar stofnanir þjóðkirkjunnar að annast afmörkuð verkefni sem kirkjuráði ber að sinna eða ráðið ákveður að stofna til. Hafi þau verkefni í för með sér fjárútlát, skal kirkjuráð tryggja, að nægt fé sé á hverjum tíma lagt af tekjum kirkjunnar, skv. 7. gr., til að standa straum af kostnaði við þau.

□ Undirritun meirihluta fulltrúa kirkjuráðs skuldbindur þá sjóði sem ráðið stýrir við meiriháttar samningsgerð eins og við sölu fasteigna.

□ Kirkjuráð veitir prókúruumboð vegna þeirra sjóða eða stofnana sem undir ráðið heyra.] ²⁾

1) Starfsrgl. 402/2021, 15. gr.

2) Starfsrgl. 1293/2016, 4. gr.

7. gr.

■ Kirkjuráð undirbýr af hálfu þjóðkirkjunnar tillögur til fjárveitinga til hennar á fjárlögum og hefur yfirumsjón með ráðstöfun og varðveislu fjár sem veitt er af opinberri hálfu til kirkjulegrar starfsemi [á grundvelli samþykkrar fjárhagsáætlunar kirkjuþings.] ¹⁾

□ [Kirkjuráð hefur yfirumsjón með ráðstöfun þess fjár, innan lögmæltra marka, sem árlega rennur til kirkjunnar sem gagngreiðsla íslenska ríkisins á grundvelli samninga um kirkjueignir og prestssetur. [Ráðstöfun fjárins skal vera á grundvelli samþykkrar fjárhagsáætlunar kirkjuþings.] ²⁾

□ Kirkjuráð hefur yfirumsjón með ráðstöfun fjár, innan lögmæltra marka, sem sjóðir eða stofnanir sem undir ráðið heyra afla með frjálsum framlögum, eða fjár sem rennur með öðrum hætti til þeirra frá opinberum aðilum, en tilgreint er í 2. og 3. mgr. [Ráðstöfun fjárins skal vera á grundvelli samþykkrar fjárhagsáætlunar kirkjuþings.] ³⁾

□ Kirkjuráð hefur yfirumsjón með fasteignum [...] ⁴⁾, sbr. starfsreglur um prestssetur og aðrar fasteignir þjóðkirkjunnar. ⁶⁾ ⁵⁾

1) Starfsrgl. 402/2021, 16. gr. a.

2) Starfsrgl. 402/2021, 16. gr. b.

3) Starfsrgl. 402/2021, 16. gr. c.

4) Starfsrgl. 402/2021, 16. gr. d.

5) Starfsrgl. 1293/2016, 5. gr.

6) Starfsrgl. 950/2009, með síðari breytingum.

8. gr.

■ [Kirkjuráð fer með stjórn sjóða þar sem svo er mælt fyrir um í skipulagsskrá eða sambærilegum heimildum.] ¹⁾

1) Starfsrgl. 402/2021, 17. gr. Greininni var áður breytt með starfsrgl. 1051/2018, 7. gr.

9. gr.

■ [...] ¹⁾

1) Starfsrgl. 402/2021, 18. gr.

10. gr.

■ [Kirkjuráð fer með málefni Skálholtsstaðar og eftirtalinna stofnana þjóðkirkjunnar:

a) Skálholts ásamt öllum mannvirkjum og lausafé, sbr. lög um heimild handa ríkisstjórninni til þess að afhenda þjóðkirkju Íslands Skálholtsstað nr. 32/1963 og lög um Skálholtsskóla nr. 22/1993.

b) Löngumýrarskóla, sbr. reglur fyrir Löngumýrarskóla í Skagafirði samþykktar á kirkjuþingi árið 1994.

c) Hjálparstarfs kirkjunnar, Kirkjuhússins – Skálholtsútgáfunnar og Tónskóla þjóðkirkjunnar, sbr. ákvæði gildandi starfsreglna, staðfesta skipulagsskráa og annarra heimilda hverju sinni.

□Kirkjuráð starfrækir enn fremur fasteigasvið þjóðkirkjunnar, sbr. starfsreglur um prestssetur og aðrar fasteignir þjóðkirkjunnar nr. 950/2009, með síðari breytingum.] ¹⁾

1) Starfsrgl. 1051/2018, 8. gr.

11. gr.

■[Kirkjuráð skipar eða ræður í eftirtalin stjórnunarstörf þjóðkirkjunnar:

a) Skólaráð Skálholtsskóla, sbr. 1. mgr. 4. gr. laga um Skálholtsskóla nr. 22/1993.

b) Kirkjutónlistarráð, sbr. 1. mgr. 6. gr. starfsreglna um kirkjutónlist á vegum þjóðkirkjunnar nr. 1074/2017.

c) [Teymi þjóðkirkjunnar, sbr. 4. gr. starfsreglna um aðgerðir gegn einelti, kynferðislegri áreitni, kynbundinni áreitni, ofbeldi og um meðferð kynferðisbrota innan þjóðkirkjunnar nr. 330/2019.] ²⁾

d) Kjörstjórn og yfirkjörstjórn þjóðkirkjunnar, sbr. 1. mgr. 19. gr. og 1. mgr. 20. gr. starfsreglna um kjör til kirkjuþings nr. 1075/2017.

e) Löngumýrarnefnd, sbr. 4. gr. reglna fyrir Löngumýrarskóla í Skagafirði sem samþykktar voru á kirkjuþingi árið 1994.

f) Forstöðumann Fjölskylduþjónustu ³⁾ þjóðkirkjunnar, sbr. 4. gr. og ákvæði til bráðabirgða í starfsreglum um Fjölskylduþjónunstu ³⁾ þjóðkirkjunnar nr. 951/2009, með síðari breytingu.

[g) Strandarkirkjunefnd, sbr. 2. gr. reglna um Strandarkirkju í Selvogi sem samþykktar voru á kirkjuþingi árið 2001.] ⁴⁾

□Kirkjuráð skipar í hvert ráð og nefnd skv. staflíðum a-e í 1. mgr. þrjá aðalmenn og varamenn þeirra til fjögurra ára í senn. Kirkjuráð ákveður jafnframt hver skuli vera formaður hvers ráðs og nefndar og varamaður hans, nema starfsreglur kirkjuþings mæli annan veg. Hver skipun gildir frá 1. júlí árið eftir kjör til kirkjuþings., sbr. 1. mgr. 1. gr. starfsreglna um kjör til kirkjuþings nr. 1075/2017.] ¹⁾

1) Starfsrgl. 1051/2018, 9. gr.

2) Starfsrgl. 473/2019, 1. gr.

3) Með auglýsingu í B-deild Stjórnartíðinda nr. 387/2021, 1. gr. var heiti Fjölskylduþjónustu kirkjunnar breytt í Fjölskyldu- og sálgæsluþjónustu kirkjunnar.

4) Starfsrgl. 1011/2019, 1. gr.

12. gr.

■Kirkjuráð getur skipað nefndir til að fjalla um einstök mál, ef nauðsyn krefur svo og starfsnefndir sem eru ráðinu til ráðgjafar og aðstoða við stefnumótun og sinna

tilteknum verkefnum samkvæmt erindisbréfi, enda sé gert ráð fyrir útgjöldum þess vegna í fjárhagsáætlun. Nefndirnar starfa í umboði og á ábyrgð kirkjuráðs. Enn fremur getur kirkjuráð með sama hætti skipt með sér verkum milli funda og annast um tiltekin verkefni. [Kirkjuráð tilnefnir tvo nefndarmenn og varamenn þeirra í þóknananefnd kirkjunnar, sem kosin er af kirkjuþingi, sbr. 2. mgr. 12. gr. starfsreglna um þingsköp kirkjuþings nr. 949/2009, með síðari breytingum.] ¹⁾

1) Starfsrgl. 1051/2018, 10. gr.

13. gr.

[...] ¹⁾

1) Starfsrgl. 1030/2007, 5. gr.

14. gr.

■Kirkjuráð er í samstarfsnefnd Alþingis og þjóðkirkjunnar, sbr. lög um samstarfsnefnd Alþingis og þjóðkirkjunnar nr. 12/1982. ¹⁾

1) Sjá 2. gr. laga nr. 12/1982.

15. gr.

■[Kirkjuráð hefur, auk annarra verkefna sem greinir í starfsreglum þessum, eftirtalin verk með höndum:

a) Fjallar um erindi frá sóknarnefndum vegna fyrirhugaðra fjárfrekra framkvæmda svo og vegna fjárhagsörðugleika, sbr. 8. gr. starfsreglna um sóknarnefndir nr. 1111/2011, með síðari breytingum.

b) Tekur afstöðu til áfrýjunar úrskurða úrskurðarnefndar og hefur yfirumsjón með því að úrskurðum úrskurðarnefndar og áfrýjunarnefndar sé framfylgt, sbr. 1. mgr. 28. gr. og 31. gr. starfsreglna um úrskurðarnefnd og áfrýjunarnefnd þjóðkirkjunnar nr. 730/1998, með síðari breytingum.

c) Ábyrgist, ásamt kirkjulegum stjórnvöldum, að farið sé að lögum um jafna stöðu og jafnan rétt kvenna og karla nr. 10/2008, með síðari breytingum og að einstökum ákvæðum jafnréttisáætlunar kirkjunnar sé jafnframt framfylgt.

d) Upplýsir almenning um lög og regluverk á sviði þjóðkirkumála og annast það verk með viðhlítandi hætti.

e) Svarar fyrirspurnum kirkjuþings sem undir kirkjuráð heyra.

f) Veitir úrlausn í málum sem skotið er til ráðsins með [kæru] ²⁾ vegna ákvarðana eða aðgerða kirkjulegra stjórnvalda sem undir það heyra.

□Leikmenn í kirkjuráði sitja leikmannastefnu, sbr. 1. mgr. 5. gr. starfsreglna um leikmannastefnu nr. 874/2004, með síðari breytingu.] ¹⁾

1) Starfsrgl. 1051/2018, 11. gr.

2) Starfsrgl. 402/2021, 19. gr.

16. gr.

■Kirkjuráð heldur fund mánaðarlega að jafnaði. Heimilt er að fella niður einn fund á tímabilinu júní – ágúst ár hvert. Forseti ráðsins getur boðað til aukafundar ef brýna nauðsyn ber til. Einnig skal halda fund ef tveir eða fleiri kirkjuráðsmenn óska þess.

□[Heimilt er kirkjuráðsmönnum að taka þátt í kirkjuráðsfundi með fjarfundarbúnaði ef sérstakar ástæður eru fyrir hendi.] ¹⁾

□Fund skal boða með dagskrá, bréflega eða í tölvupósti, með viku fyrirvara að jafnaði. Jafnframt skulu erindi sem óskað er eftir að tekin séu fyrir í kirkjuráði hafa borist fyrir fundarboðun.

1) Starfsrgl. 1293/2016, 7. gr.

17. gr.

■[Kirkjuráð ræður sér fundarritara. Hann ritar fundargerð sem borin skal upp til samþykktar á fundinum með undirskrift fundarmanna. Í fundargerð skal greina stutt og skilmerkilega frá framlagningu máls og niðurstöðu í því. Fundargerð skal send [kirkjuráðsmönnum] ²⁾ að fundi loknum. Samþykkt fundargerð er opinber og öllum aðgengileg, eigi síðar en þrem dögum eftir fund.

□Kirkjuráð getur ákveðið að halda lokaða fundargerðabók fyrir málefni sem falla undir lög um [persónuvernd og vinnslu persónuupplýsinga nr. 90/2018.] ³⁾ ¹⁾

1) Starfsrgl. 1293/2016, 8. gr.

2) Starfsrgl. 1051/2018, 12. gr. a.

3) Starfsrgl. 1051/2018, 12. gr. b.

18. gr.

■Forseti kirkjuráðs stýrir fundi. Í forföllum biskups eða kærumáli sem biskup telst vanhæfur til ákvörðunar í, skal sá vígslubiskup sem eldri er að biskupsvígslu stýra fundi, sbr. 15. gr. laga nr. 78/1997. Fresta skal afgreiðslu máls til næsta fundar ef tveir eða fleiri kirkjuráðsmenn óska þess en þeir geta ekki krafist frests öðru sinni.

19. gr.

[Varamenn í kirkjuráði fái send öll opinber gögn af fundum kirkjuráðs.] ¹⁾

1) Starfsrgl. 1036/2012, 1. gr.

[20. gr.] ¹⁾

■Forseti kirkjuþings situr fundi kirkjuráðs þegar málefni er varða kirkjuþing, undirbúning þess eða framkvæmd samþykkt þess eru til umfjöllunar. Kirkjuráð getur óskað eftir því í samráði við forseta kirkjuþings að formenn fastra þingnefnda, einn eða fleiri, mæti á fundi ráðsins.

1) Starfsrgl. 1036/2012, 2. gr.

21. gr.

■[Vígslubiskupar sitja fundi kirkjuráðs þegar störf þeirra eru á dagskrá ráðsins eða þegar sérstök málefni vígslubiskupsstólanna eru rædd þar.] ¹⁾

1) Starfsrgl. 402/2021, 20. gr. Greininni var áður breytt með starfsrgl. 954/2010, 5. gr. og 1036/2012, 2. gr.

[22. gr.] ¹⁾

■Starfsreglur þessar sem settar eru skv. heimild í 59. gr. laga um stöðu stjórn og starfshætti þjóðkirkjunnar nr. 78/1997, öðlast gildi 1. janúar 2001.

1) Starfsrgl. 1036/2012, 2. gr.